

知縣 章主修

香山黃培芳 總纂

南海曾 釗

列傳第九

人物 上

曾釗兼纂

新會縣志

卷八

列傳一 目錄

一

人物

馬晞驥

雷復

元

伍隆起

陳元輔

弟英輔

廖汝

陳猷

林文秀

元以下

周脩

羅蒙正

蔡養晦

張擣

明以上下

黎貞

伍驥

鄧彥良

陳添佐

梁臨

梁彥明

梁繼灝

子益孫文

鄧林

湯有容

茹連

溫琇

李讓

蕭嘉祐

余慶

新會縣志

卷八

人物上 目錄

陳璉

林超

蔣濬

張紳

子瑛

伍瑞

張紀

楊英

子敷

魯能

何述

余諒

趙善端

陳琮

陳獻章

謝脾

謝慈昱

馬廣生

容慎

容恪

李昇

林紹光

陳瑞

周鎬

周京

子必誠

譚以賢

譚以良

黃佐

梁衛

宋容重

李翰

黃元

施用

區越

子元履元晉

陳紹裘

梁大廈

周正

張璧光

湯 霄 兄弟 霄雲

黃 彥

伍 雲

陳 魁

陳 謙

容 珪 弟珽 璿璣

潘松森

易 龍

易 元

張不已

趙思仁

黃 球 子子正

黃 昊

黃子賢

黃 忠

黃鶴年

戴 球 子恩 澤參

戴 昭 戴輯 戴弁

梁 潛

譚有蓮 族人 克晦

譚 綬

李九淵

李 鴻

謝文信

林 棟

鍾 淑

關 中

麥 岐

陸 輦

馬國馨 從弟 貞

阮繕宗

周 儉

黃 忠

黃 在

易 彬

黃 壽

新會縣志

卷八

人物上 目錄

容 欽

林 樟

陳 鬯

謝君章

周 端

聶元會

胡 旦 胡岳

余 統

李 興

湯 和

李 渭

陳經綸

譚 律

黃 印

余 敬

李 江

李 元

易之教

陶梁民 子壯

李文明

鄭 銘

陶 益

李 翔

李 悅

李 祐

許公祐

劉文瑞

鄭時舉

許 相

陳元定

容 璠

黎 翼

鄺達禮

黃國賦

陳元琛

彭 漢

許炯

李朝明

容朝望

譚維鼎

黃龔

梁以蘅

何孟倫

林大章

孫挺然

梁大中

羅兆鵬

陳試

子應中

張傑夫

陳誥

黃尊

伍維統

潘大壯

子之佳

劉杰

子魯

李積

李以龍

弟以麟

許培之

勞守謙

弟守謨

陳吾德

施應岳

容瀚

新會縣志卷八

列傳一

人物上

宋

馬持國字鯁臣從高宗南渡入廣王志遂家新會金紫街賈志高

宗紹興癸酉請廣州文解凡三到省不售乃踰嶺以策干督

府張浚浚置之幕下不合求去兵部侍郎胡銓措置淝淮海

道檄持國稟議銓見之喜曰馬鯁臣議論操履表裏渾如也

廬州安撫使張師顏檄委招集流民淮帥吳總王希呂錄其

功聞於朝淳熙二年備補上州文學攝武鋒軍都統司準備

差遣舊時寨屋覆以蘆葦持國力讚主帥請易以瓦既而得

請凡科降錢糧措辦木石皆身任之召赴都臺執政王淮李

新會縣志

卷八

人物上

彥穎龔茂良稱其論事有補列薦得旨補嘉州文學依舊前
件差遣免銓改迪功郎淳熙十年果州團練殿前副都指揮
使郭棣奏於孝宗謂持國在職六年事事辦集今任將滿若
改常調恐未足以究其用也有旨令再任又四年棣復薦持
國宣力精敏持論公正乞賜旌擢得旨召對持國奏三劄皆
時務之可行者上嘉賞之特改授宣教郎仍與近闕屬官差
遣持國以國之恥未雪講解之謀爲非榮進非其志也乃著
十論標曰中興自治萬全策略據所蘊又哀集平生江湖淮
漢間裨贊成畫稟議朝堂前後事宜帙成曰愚忠錄檄進之
上頗嘉納執政周必大楊萬里見之相謂曰持國之文淵宏
偉傑深中時病有用才也深器重之持國以和議旣不可破
乞調廣東鹽幕許之及視事新會舊有白皮鹽場爲民戶擾

力請罷之蛋戶丁錢爲州縣迫促亦請捐之光宗紹熙中通判欽州不貿交貨遠近爲之退讐欽人爲立祠知容州政務寬厚遠民懷之又相與祠持國於五賢堂持國力學有大志每語及恢復輒泣下後竟奉祠歸壽八十餘卒子晞驥最知名

戴通志

馬晞驥

按揚子法言晞驥之馬亦驥之乘晞望也久目賈王二志久日誤

持國長子也字千

里弱冠入太學嘗讀書齋中帝臨學晞驥誦書自若上異之曰卿何勤也淳熙七年進士第初調安豐六安善決獄人稱神明臺府每有疑獄必咨焉士民咸以清強官目之改知衡山縣將行時持國問曰汝作縣當有何法晞驥曰催科政拙撫字心勞此第一義也持國喜曰如此可矣至縣行所言寬催科定差役懲預借政務不擾境內有山產茶民採以爲利

新會縣志

卷八

人物上

一一

無何爲勢家所占民間之上司委縣定奪晞驥務還之民巧賂莫能奪其公廉皆類此官滿耄稚窮日追餞有垂涕者及判肇慶或以奇硯獻晞驥謝之曰此非暮夜金但吾職貳郡當飲水自勵何敢以長物污家聲邪其人慚而退由是名節益著尋知雷州時持國亦握麾知容州人以爲榮五十四卒官至朝議大夫子宜祖官至朝奉大夫知英德府三世太守亦一門盛事也

全上

雷復字陽昇登進士第任大理寺正卿權掌春殿事爲人清介自守家無盈積以親老致仕克盡孝道久而弗衰兩丁親艱哀毀骨立旣服闋絕意仕進每三復君陳之旨聚其子孫訓誨之長子震南次子震龍俱膺魁薦

參張府志

按阮通志王志選舉進士無雷復王志亦無傳惟新

寧志選舉明洪武丙子舉人雷潛名下注云文章人
系大理寺卿雷復七世孫攷文章舊屬新會按此則
雷復當是宋寧宗理宗間人其子震南震龍新寧志
人物與選舉皆缺其名

余元鏗字仲宣河塘人忠襄公靖之後封川令夢弼子與文
溪李昂英友善決科爲循陽法掾昂英稱其蘊藉淵深踐履
嚴謹臨行謂之曰仕以行其學當官奉法無高下其手有不
平必爭爭不得則去是卽他時定大議臨大事之權輿也自
諉官卑一事放得將終身悔之矣元鏗再拜受教折獄平恕
後爲肇慶府司法參軍益著廉稱致仕歸每饑歲賑里民以
粟人多德之王志

伍隆起三世事宋高祖珉高宗朝爲嶺南第十三將守南恩

新會縣志

卷八

人物上

三

州卒於官子朝凱居文章里

今隸新寧

生子之才陽春縣尉之才

生天麟授龍井場提幹天麟生隆起值帝昷至厓山隆起以
三世受祿願以死報於是率鄉民爲義兵捍衛且貢米七百
石粵大記作七千石元張宏範入廣力戰不沮潛爲其下謝文子所

殺以其首降元丞相陸秀夫遣人收遺骸續以木首葬於文

逕口山

在新寧城東南八里

贈州判後生募得文子戮祭於其墓今人

猶名其墳爲香頭墳

厓山志

明成化間大忠祠成祀隆起於東

廡

廣州人
物志

按宋謝維新合璧事類引神宗實錄元豐四年詔東
南諸路團結諸軍馬十三將廣東路第十一西路桂
州第十二邕州第十三此傳稱珉爲第十三將蓋西
路邕州將也南恩州隸東路然則珉殆先官於西路

而後遷於東路者歟

陳元輔陳英輔祖珠自汴梁謫宦南雄遷新會凌村帝昺駐蹕厓山兄弟獻粟數千石餉軍特旨建義士坊於其里輔等遺戒子孫不得仕元至明朝其裔經綸輩始顯

厓山志

廖汝楫水南村人初仕學錄官至朝議大夫帝昺駐蹕厓山仗義勤王出粟助師特旨賜寶帶以旌之

王志

陳猷其先汴梁人嘗仕宋金陷汴播遷南雄珠璣里至猷沈毅有遠識咸淳間世事日非遂移家新會下峒身仍在雄守祖墓德祐末率鄉人保聚景炎初助官軍及元人戰於雄敗績乃歸下峒未幾宋亡猷辟穀餌草木實囑子孫毋仕元延祐初郡縣以其子考一作巧充貢有司考聞遜入廬山至明朝始遷邑定居永樂裔孫璉拜司理死於安南黎利之難

宋遺民錄

新會縣志

卷八

人物上

四

元

林文秀北到里人元末黃斌作亂攻掠邑城文秀獨奮勇率衆保固鄉里避亂者咸往依之先是眞定劉德自四會避兵來依主簿徐聞可共保縣治爲斌所破遂與衆就文秀守北到時太常卿余觀國招撫江南嘆曰嗟夫編氓乃爾知義哉

因命其鄉曰崇節

王志

周脩字望舒麻園人

賈志

謙恭循禮博通經史旣冠邑令聞其

賢辟爲邑庠訓導脩素剛直疾惡如讐值元季亂雖名門亦虧名節而陷於惡逆脩每遺書諄讓詞語峭直賊帥黃斌見而大怒使人生致之時諸生之在門者咸相營救脩曰死生命也安能屈辱於人以求活耶及擁至賊前閉目不爲禮厲聲以大彘叱之遂遇害至死罵不絕口時太常卿余觀國持

節招撫江南聞而賢之目爲義士云

廣州人物傳

羅蒙正字希呂其先廬陵人父稽淑游學新會遂家焉

今隸新寧

蒙正資稟秀拔勤學強記諸史百家無不成誦甫弱冠聞肇慶羅斗明工詩往拜之斗明嘉其誠悉以詩法授之一載歸

大有詩名

黃通志

縣尹沈壽創古岡書院禮蒙正於師席一時

學者聞風雲集未幾領湖廣省檄爲高州文學

顧嗣協岡州遺稿作化州

學正王志作高州學正按學正是也元職官無文學之名秩滿歸仍授徒於書院順帝至

正七年丁亥赴省試遇開武功銓人或勸其借註巡檢不屑就以詩答之云儒冠不是將軍具只作當年措大看遭元季亂避地郡城館於憲吏趙式家式薦於司授南恩州教授時州判吳元良亦文士也素慕蒙正名一見歡如平生元良有志併合羣醜據有一方欲用蒙正爲幕賓以贊厥治蒙正識

新會縣志

卷八

人物上

五

其志力辭不就後因病以詩謝云願賜一廛閒養病簡編燈

火伴青衿未幾卒元良禮葬之有詩集數卷傳於鄉

戴通志

蔡養晦字益善以學行舉爲邑訓導每教子弟必使端立寡言當元亂避地番禺與名士翰林典籍孫蕢給事中王佐輩結南園詩社人以高適孟郊擬之及明兵入廣累徵不出後

強之京師稱疾不仕而歸蕢輩甚稱善之

王志

明上

張搆字彥謙邑城人羅蒙正弟子也幼嗜學性敏強記年十八賦厓門懷古詩蒙正器之洪武初以足疾不能行益留心經籍知縣謝景暘爲構書堂於象山之麓俾邑人往從受業扁其軒曰養拙晚年自號病叟人咸以象山先生稱之其學以明理爲要詩文以典雅爲本不事巧琢其弟子不拘學之

淺深皆能識其大要不問可知其為搗之徒也戴通志

黎貞字彥晦都會村人王工詩文明史文苑孫蕡傳貞生元季少從

父學正某學於外黃淳撰傳性坦蕩不羈以酒自放故號陶陶生

晚更號秫坡學者稱之曰秫坡先生廣州人物志自少岐嶷異羣

兒七八歲時與弟浴於塘弟溺塘井中雙指猶漾漾未沒貞

亟沒水以手捉其足登淺處鄉閭異之五羊孫蕡才美絕人

為文章操筆立就死生榮辱得失一不介意貞從之游故學

所成就非一時流輩所及發為詩文滔滔自胸中寫出無斧

鑿痕議論古今治亂興廢與世道得失人物賢否類出於己

意而多自得之見李承箕撰傳洪武初補郡庠生黃通志按黎氏家乘廩生

八年以明經辟薦至京師時例由薦辟者俱吏部赴考乃授

職貞託疾不往其見館閣諸公一以禮相抗議論侃侃不屈

新會縣志

卷八

人物上

六

諸公相顧謂曰國家禮文草創彥晦積學未可遽令遠去迺

留商酌禮文兩越月始歸諸公歎曰堯舜在上下有巢由如

彥晦者可多得哉相率餞於都門外朱善備文集部使者以其有

學行署為新會縣訓導志不樂仕乃退築釣魚臺於所居宅

前後以事為訟者所誣適救鄉人鬪忤不直者中飛語戍遼

陽十三年黃淳撰傳按秫坡集居屯錄序予丁丑夏有事於京師云黃淳秫坡傳云戍遼十三年丁丑赦

歸自乙丑至丁丑適十三年李承箕傳亦云戍十三年今秫

坡集居屯序誤作己丑洪武年無己丑也明史云戍遼陽十

八年誤也艱危困阨之中學愈博而識愈高氣愈充而議愈出闔

帥禮之如賓洪武三十年赦歸聲聞益著學者從之遠近畢

至貞諄諄善誘每俯而就之隨其深淺有所造就悉依孝弟

忠信隨所得而誘之成才白沙先生曰吾邑以文行誨後進

百餘年來秫坡先生一人而已嘗自贊其像年五十九卒著

秣坡集古今一覽家禮舉要行於世初貞在遼時孫蕢以事死貞抱持其尸以衣裹之殯殮如禮奉柩葬於安山之陽典衣營其事爲文祭之讀者莫不墮淚其自遼歸也適已薄暮明月滿空呼舟中餘酒登所築釣魚臺吟嘯久之乃扣門還家焉其胸次脫落類此

廣州人物傳

伍驥字宏道新會文章里人

今隸新寧

先世宋末有爲典章者其

後總管士達仕元生驥年弱冠知大義兄騏以事戍遼海固請代行不得兄弟執別路人爲慟嘗歸自京師泊舟白沙澗夜半忽水中有呼救聲亟起援之乃一童子詢之乃賊擠之者黎明賊至給曰平生止一子夜起墮水中救得者酬以白金百兩言訖卽出金以誘驥歸其童驥正色拒之隨以童詣白沙寨白巡官捕之賊徒伏法其爲義不奪於利類此平生

新會縣志

卷八

人物上

七

積書數千卷一時名士同邑黎貞南海王子倫胡濟番禺董匡皆聘爲子師建祠堂築墓亭家規族譜具有條理雖富甲鄉邑而儉朴如寒畯云

參黃通志

自著誠子文以十事訓諸子卒

年五十九鄧主事林志其墓又作挽詩云墓石恐無人秉筆

簾金幸有子承家蓋實錄也

岡州遺稿

鄧彥良字希哲寺前人以禮自克凝重不遷姪林旣貴猶嚴事焉同邑黎貞亟稱之洪武初以貢授清河縣丞有廉能聲遷廣西思恩知縣嘗奏知府徐授義推官張毅知事賀勉不法事民倚以安秩滿父老詣闕保留令再任改糧運於賓州人德之禮部侍郎竇安陳璉讚之曰温良恭儉簡默沈靜出宰百里卓有惠政民祠祀之人思恩名宦

王志

陳添佐世居陳冲自元至明初三世同居添佐性度元曠於

長堤高柳之間讀書且徜徉焉嘗夜泛舟遊沖上誦蘇子擊空明泝流光之句樂之曰吾老於此足矣遂自號月溪爲人至孝五歲失所怙與少弟添佑育於繼母李值元季盜起隨逃難爲賊所得母子不相見者十載添佐劬苦萬狀每思母泣下賊憐而縱之復得見母於登名里之樓岡羈棲貧困者又三載洪武初與弟始奉母還陳沖修復故業有先人舊廬四十楹良田四十畝王志作四百畝乃築報本亭於祖考墓次立報德堂於所居闢娛親堂於正寢自奉儉素而祭養必極豐樂邑令莆田薛彌充賈志云案舊志知縣薛炯通志作薛彌充志秩官作光明之光傳又作充賈志阮通志職官俱缺其名辟爲孝廉會添佑早世乃以母老固辭後以事謫戍遼海亦以母老祈於閩帥甫三載得代歸未及家而母沒終喪饋粥苦塊未嘗一至私室閭里以

新會縣志

卷八

人物上

八

爲難治喪不用浮屠生平事親奉祭一遵家禮而參以義門鄭氏家規既又撮其要爲三省九思十誠及家式百條以訓飭其五子俾世守之同居共爨延名士鄧林於家塾林述其立身行已大畧立月溪孝義傳云李眞祐者字馘之南海人自少力學老而不倦洪武初有司辟爲吏避居古岡微服爲人傭人不之知也黃通志添佐延至其家作家式百條及三省九思十誠皆相與訂定云參王志

梁臨字彥良沙岡村人

王志今隸開平

羅蒙正高弟子也英華秀

發工詩文而長於舉業蒙正稱之洪武三年薦於鄉明年成進士賜宴中書堂賦詩有鼓腹愧蒙天澤溥願推餘滴遍蒸民之句一時翕然稱之歷河南永城縣丞禮部主事卒黃通志

明邑人進士自臨始

採訪冊案太學題名碑錄梁臨三甲進士據此則王志云進士及第誤也今

梁彥明號漁隱世業儒隱居天臺山之陽或操竿坐釣臺觀
錦鱗遊狎鷗鷺忘機物我無間或乘舟放中流明月在天水
光一色舉酒高歌寵辱俱忘黎貞漁隱序素有隱德鄰里化之有
爭訟曲直者咸取平焉黎貞漁隱記

案賈志藝文漁隱序注云諱臨元探花明進士誤也
臨字彥良漁隱名彥明一名一字大畧相同賈殆因
此致譌耳今不從特別出之

梁繼灝字行素涪頭人黎貞高弟博學有行誼陳獻章稱之
曰吾邑以文行教後進百餘年間林坡一人而已余生也晚
不及林坡之門長而與淡齋子益遊始拜淡齋淡齋誨余以
林坡之事縷縷此豈一日忘其師者耶當時在林坡門者不

新會縣志

卷八

人物上

九

少獨淡齋傳其學教授羅山下子弟有所矜式淡齋繼灝號
也邑魯能吳韜鄺慈皆出其門子益景泰七年鄉試第八人
知興業縣子文歲貢衡山訓導皆能世其業黃通志

鄧林字士齊

廣州人物傳
賈志作仕齋誤

寺前街人

王

初名彝能為古文

洪武二十九年以明經中鄉選歷貴縣教諭

廣州人物志

秩滿入

京與修永樂大典凡五年出為南昌教授後又秩滿試高等
四庫全書提要成祖賜今名遷吏部驗封稽勲二司主事宣德四年

以言事忤旨謫居杭州學士大夫多從之遊後放歸田里卒
林嘗自謂其學詩文書法於古名家初無所知名作懷春賦
以寄意後官於朝大學士楊士奇祭洒李時勉閱其詩文曰
嶺南一代文人也自號退菴廣州人物傳後太常少卿會稽陳贄
參議廣東梓其退菴遺集行於世王

湯有容下街人名載以字行志王少能文勇於爲義時輩多推

服之洪武二十九年舉於鄉會試中乙榜任廣西恭城教諭

又歷興安聞其兄死即日疏其情上聞棄官養母者七年母

謂之曰君恩未報久而不去恐有罪吾有諸孫可矣於是復

官容縣廣州人值縣大疫皆謂疫能染人人莫敢出雖縣門

無行者知縣彭清中其病自分必死有容曰令家人具湯粥

而左右之晝夜不離清得不死時人以爲難粵西比庾袞處

兄弟然有容處朋友尤爲難焉終唐府伴讀廣州人

茹連字彙貞中樂石濬人志王洪武二十九年鄉貢初爲齊府

祠副改四川江安縣丞陞刑部員外郎出知長沙府連身體

豐偉長丈帶圍六尺一飯米數升豕首一枚然皆仰給公廩

未嘗取於民律己甚嚴不受私託在京邸曰有同鄉爲縣令

新會縣志

卷八

人物上

十

者邀連飲閒夸其器之美連艷然曰君非盜民何以得此遽

拂衣起人爲之愧黃通志

溫琇字如玉白石人志王與鄧林爲同門友永樂初以國子生

知福建永春縣勸農興學均役平賦嘗減歲造皮張常貢士

民德之調劇建陽八閩通志

李讓字遜之寺前街人志王永樂二年以國學生授浙江縉雲

令臨政不擾撫字有方興賢造士士愛而民懷之處州名宦傳晉

交趾原州府同知去之日民立祠以祀丁艱服闋補淮安同

知清操益勵卒祀鄉賢志王

蕭嘉祐塘河人永樂六年舉人志王將赴禮部林坡黎貞作構

室說贈之嘉祐再拜受教自是益學力養銳堅忍其志以縱

橫自用爲終身戒後嘉祐任廣西恭城知縣處事公平待人

以信大得民心雖山谷猺獞以片紙招之聞風卽至無敢後期者政暇與諸生講學士風大振卒于官民作祠祀之廣州人物傳

余慶字原善永樂中由監生王志洪武時歲貢案明史選

等入國子監據此則余慶亦監生也知福建南安縣莅官革奸弊均徭役修縣

治興學校奏免崩堆海蕩賸米案賸米不知何義阮通志引福建通志原文如此今仍之

一千二百餘石以復流亡秩滿去民遮道泣留如失父母福建通志

通志

陳璉字濟美別號完菴中樂石頭里人賈志永樂中以明經授

湖廣永州推官用英國公張輔薦調安南新安府推官會叛

寇楊恭僭稱王璉率兵至新安峽山縣與杜布等設伏擒之

黎利父子叛成山侯王通戰敗傳檄以清化迤南城池與利

新會縣志

卷八

人物上

十一

所屬官吏悉令其出城璉守不去竟遇害英國公挽之云漢

廷決策棄朱崖歸國衣冠渡五渚獨惜匪躬陳郡理郊原誰

為掩遺骸岡州遺稿

國朝祀忠孝祠採訪冊

林超字彥昇號樂澹北到人舉正統六年鄉薦授廣西北流

令以邑不知小學建社學以養蒙以邑不知稼穡修耒耜以

督耕由是博白陸川咸法焉猺寇薄城下設奇走之後中於

讒闔邑士民赴當道上其功梧守袁秉衷申請兩院留之超

辭曰余年幾七十豈堪俛仰求容於世遂浩然解組歸徜徉

山水間人謂其似陶靖節云王志

蔣濬字希舜梅閣人王志正統九年鄉薦積學能文尤工詩同

年學士邱濬亟稱之成化初知福建晉江縣明敏勤慎隨在

利民獄非重犯卽遣之視地宜給民以粵穀種教之播耕民

蒙其惠名蔣家稻常祿外一介無所取秩滿遷漳州府同知
去任曰泉民刻石於城內橋上曰愛民父母蔣公泣漳政如

在泉時

黃通志

張紳字書紳沙岡人

今隸開平

父秋逕爲黎貞門人負才名常從

幕府往征交趾及遊京省有交州行稿金陵行稿藏於家早
卒紳見父遺書輒墮淚攻苦十年尋以明經司訓應天府正
統九年領南闡鄉薦授湖廣沅江知縣興利革弊愛民禮士
邑有巨憝交結勢要武斷鄉曲人莫敢言前官多瞻徇紳至
絕不與交及犯法紳叱之曰爾獨非吾民耶何爲不守吾法
案其情撲殺之其子訟於上闔邑士民共白其事上官益加
重焉紳性剛介有勸紳稍貶以自全者紳曰吾豈爲一官而
受屈乎遂拂袖歸杜門讀書嘗講學良金山下負笈從遊者

新會縣志

卷八

人物上

十一

數千有司建書院居之邑西人文之盛實由茲始庭訓尤嚴

弟紀領景泰鄉薦子瑛登成化進士皆以廉能稱

賈志

伍瑞其先汴梁人仕粵爲方伯遂卜居新會潮陽里瑞性孝

景泰二年父安堂爲峒蠻害瑞甫弱冠泣血誓報讐及生子

纔匝月卽慨然徒步萬里詣闕寫血章鳴冤得剿賊命瑞以

哀痛勞瘁病於章貢途次呼天而終暨賊平竟不及見也初

將赴闕時手植葵樹去後葵日滋茂風雨不侵人目爲孝子

葵後其子孫泐碑葵所覆以亭邑人倫肇修爲孝葵亭記妻

廖氏自有傳

王志

張紀字振紀三歲失父從兄紳讀父書閉戶不出者十年博

通經史爲文千言立就領景泰四年鄉薦一時所與交者皆

海內名士羣推士林祭酒爲人豪岸身長六尺性溫雅而行

直方且善筆劄成化初命草武臣誥命稱旨特拜南京監察御史未至官而卒年四十四知紀者咸以詩弔之

同上

楊英字廷傑仙洞人

賈志

少以孝稱父喪三年不出戶景泰四

年領鄉薦母林羸而病目英曰焚香祝天母目復明相持悲喜遂一意奉養不復仕暇則與門人講學賦詩未嘗入公門鄰有兄弟訟捐金求勝者英諭以手足誼卽引悔罷訟里人有貸權貴子母錢者歿僅遺一子妻思鬻子以償而不忍英捐錢贖券焚之仍給以粟子敷以藩掾考滿赴京泛吉陽湖亟下帆救蘆中溺者至銓曹銓部胡某詢白沙起居及其詩敷默錄數百首以復胡大異之問其家世贈以詩曰昭代江門惟正學海濱鄒魯實吾師何人得似楊公子能誦白沙千首詩授南京留守司經歷權儀真革匿稅弊補福州左衛經

新會縣志

卷八

人物上

十三

歷屯兵籌餉有備倭功年九十無病卒

黃通志

魯能字千之其先自涇來隸尺籍景泰五年登進士除南京戶部主事丁內艱服闋改北京戶部尋擢員外郎進郎中歷任踰十年司無滯事尚書年富楊鼎咸重其才時部官至正郎者多拜布政司參政能年深乃得陝西參議或以爲惜笑曰人臣當務盡職豈暇計資級哉成化十四年進右參政十六年進右布政使十七年轉左關陝重地聚戎馬十數萬控制荒逖糧餉百需皆取給於藩司又值邊陲多事內地水旱相仍能爲佐貳時日事巡歷凡西北山川阨塞屯堡要害儲峙多寡兵馬強弱將士堅脆皆心憶而口數之旣總司事仍創會計堂出納損益咸得其當自是邊儲有備而民力不困歲所給糴米銀數十萬舊乾沒於權要者悉革之二十年關

內大饑民至相食公私罄竭計無所出朝遣大臣賑濟行一切權宜之政能隨事裨補多所存活擢都察院右副都御史奉璽書巡撫甘肅時父年已八十二遣家屬南歸侍養獨攜一僕自隨甫下車制置事宜十條曰新號令謹練習修城堡明賞罰覈功實抑虛詐恤孤寡稽儲積行賑貸撫番落令下軍民驩呼載道三閱月而父訃至軍民相率赴闕乞留不可得哀毀踰禮比代至病已篤歸至會城卒年五十八能性溫厚慎交遊不談人過至論公事則侃侃不回廣州人物傳卒之曰囊中惟餘白金三十餘兩祀鄉賢郝通志訃聞上悼惜諭祭葬命大學士邱濬撰神道碑王志

何述字宗道龍塘人

今隸開平

少穎悟有志正學以名節自勵天

順六年鄉薦第二人歷容縣教諭柳州福建教授造就有方

新會縣志

卷八

人物上

十四

士類德之聘分考江西有以重金求入彀者述正色斥之曰天地鬼神其可欺乎及歸構室山旁日進諸士講學不輟與陳獻章友善獻章過訪有蘇公渡口雲連海宗道廬前雨滿山之句扁其堂曰斯文卒之日獻章爲文祭之王志

余諒字以貞草涌人父復永樂初征交趾民餽運者多道斃時叔當行復請身代卒無恙歸人多稱之諒登天順八年進士以丰度端凝特授南京御史三署都察院事奏革御廚天鵝等諸異品畿民德之晉福建按察僉事革屯糧歲例千餘金與邱濬校議家禮儀節刊行所部使民知禮晉湖廣副使居官十有八年清操如一日迨歸悉讓故業諸兄弟姪自居蘇溪與物無競嘉靖二十五年祀鄉賢同上

趙善端字宏仁邑城人人貢太學選龍溪丞時長泰富民被

誣繫獄屢年不決善端得其情力爲申白富民夜遺金器以

謝叱出之志王善端持已廉臨民寬事上不諂可謂良吏漳州志

陳琮號樂芸讀書能一目數行下善詩年二十七卒卒之一

月而子獻章生張翹撰琮生有異質髫齡能文喜歌吟尤究

心理學身體力行毅然以明道淑人爲已任先輩多以遠大

期之質羸善病潘楳元廣子獻章自有傳探訪冊

陳獻章字公甫都會人後徙白沙賈志高祖判卿曾祖東源祖

永盛父琮早卒卒之一月而獻章生時宣德三年十月二十

一日母林氏年二十四守節教育之先是有望氣者言黃雲

紫水之間當生異人又有占象者言中星見浙閩分視古河

洛百粵爲鄒魯符昔所言及獻章生身長八尺目光如星行狀

左原文作頰有七黑子明史儒嘗戴方巾逍遙林下望之若

神仙中人自幼讀書一覽輒記嘗夢拊石琴其音泠泠然有

偉人笑曰八音惟石音難諧今諧若是子異日其得道乎因

號石齋晚號石翁張翹撰嘗讀孟子有天民者節慨然曰大

丈夫當如是也年十九充邑庠明年正統十二年丁卯鄉試

第九人戊辰辛未兩赴禮闈不第年二十七聞江右吳與弼

講學臨川遂從之遊既歸閉戶讀書盡窮古今典籍徹夜不

寢久之乃歎曰夫學貴乎自得也自得之然後博以典籍之

言否則典籍與我相涉乎遂築臺曰春陽日靜坐其中足不

出闔者數年久之又以爲苟欲靜則非靜矣於是隨動靜以

施其功暇日或與弟子講射禮於野時學士錢溥謫知順德

雅重之勸之出遂復遊太學祭酒邢讓試和楊時此日不再

得詩詩曰能飢謀菽稷冒寒思植桑少年負奇氣萬丈磨青

蒼夢寐見古人慨然悲流光吾道有宗主千秋朱紫陽

新會縣志

卷八

人物上

十五

說敬不離口示我入德方義利分兩途析之極毫芒聖學信
匪難要在用心臧善端日身何昂藏胡能追軼但能漱餘
辭固此木鑽仰其地間此身中夜攬衣起沈吟獨徬徨聖途
芳持此髮短心苦長及此歲未暮驅車適康莊行遠必自邇
萬里餘含章邇來兀兀同坐忘那知顛沛中此志竟莫強譬
如羊隱几室內兀兀顧茲一身小所繫乃綱常樞紐在方
寸操舍決存亡胡力大謾海終回狂大驚曰龜山不如也颺言
良可傷願言各努力大謾海終回狂大驚曰龜山不如也颺言

於朝以爲眞儒復出由是名震京師

賈志

一時名士如羅倫章

懋莊景周瑛輩皆樂從之遊賀欽時爲給事中抗疏解官執
弟子禮獻章旣出太學歷事吏部文選司日捧案牘與羣吏
雜立廳下不稍怠郎中等官皆勉令休日分當然也侍郎尹
旻遣子從學六七往竟不納成化五年己丑復下第時京師
有會元未必如劉戩及第何人似獻章之謠寓居神樂觀士
大夫來請益無虛日有北士數人約曰必共往折之及見氣

新會縣志

卷八

人物上

十六

沮不能發一言退曰果異人不可狎也南歸潛心大業遂有
終焉之志四方學者日益衆往來東西藩部使以及藩王島
夷宣慰無不致禮白沙之廬僉事陶魯遺田若干頃不受十
五年進士丁積爲新會令聞獻章名曰吾得師矣甫下車求
執弟子禮十七年江右左布政使陳煒等脩白鹿書院以山
長書幣聘爲十三郡士者師報書謝不往十八年壬寅左布
政使彭韶上疏略曰國以賢爲寶臣才德不及獻章萬萬猶
叨厚祿顧於獻章醇儒乃未見收用誠恐國家坐失爲賢之
寶疏聞部書下有司以禮勸駕獻章以老母并久病辭時巡
撫右都御史朱英懼獻章終不起也具題薦末云臣已趣某
就道矣因告之曰先生萬一遲遲其行則予爲誑君矣獻章
不得已遂起然不能別母欲倣徐仲車故事伯兄不可曰吾

弟爲人子吾獨不爲人子耶兄弟泣爭義感行路母卒從兄
請其別英於蒼梧也英約束參隨官俟獻章至掖之從甬道
出入獻章力辭英曰自古聖帝明王尊賢之禮有膝行式車
者況區區乎至京師朝廷敕吏部考試會疾不果赴上乞終

養疏疏曰臣於成化十九年三月三日到京七月十六日
不憂自誣疾於八月廿二日得男陳景暘歸以報母病以
來得此神魂飛喪所以君處也臣自親展書鬱結終夜不
中得此迷實不知伏惟國臣自幼讀書雖不甚解然於
君臣之義卑賤之久矣至深厚於此而速成之恩陛下
收臣之不遺義卑賤之久矣至深厚於此而速成之恩陛下
萬日非其下情以有甚德得已至我國家教育不速成之
於部檄而就道雷命而驚心者臣以虛名領鄉書試禮部
承十而棄養臣母歲以四乳哺非母之遺腹也臣於溝壑
矣無生五病至九歲以代九視之衰如委襁褓天久
母恩無以爲報而母如守節應例爲有司所白蒙聖恩於
彌劇使臣遠客異鄉臣母貧賤早寡日憂愈甚未嘗病而
常厥宅者是顧臣母氏之故寡臣憂愈甚未嘗病而
憂病相仍理難久欲分寸於旦夕復有未愈之病已衰
心日爲憂慮而欲處未效者又於此夕復有未愈之病已衰
外不見孝化事難以上至誠仁君則必多匹夫匹婦不
獲其大者則臣之微心豈敢終病思親而不自盡哉伏望
明察臣初願仕之微心豈敢終病思親而不自盡哉伏望
吏部放臣暫歸田里就醫藥奉侍老母以窮餘年俟母養
獲終臣病全愈仍前赴部聽侍老母以窮餘年俟母養
陞下賜臣感恩益深辭矣疏上憲宗親閱再三明日授
翰林檢討歸狀至南安知府張弼疑其拜官與弼不同對

新會縣志 卷八 人物上 十七

曰吳先生以布衣爲石亨所薦故不受職而求觀秘書冀在
開悟主上耳時宰不悟先令受職然後觀書殊戾先生意遂
決去獻章聽選國子生何敢僞辭釣虛譽自是屢薦卒不起
史明初應召而起也觀者如堵至擁馬不得行歸日五色

遶其第經日始散宏治十三年給事中吳世忠以獻章及尙書王恕侍郎劉大夏學士張元正祭酒謝鐸等同薦命將及門而獻章沒矣是年二月

案賈王二志俱作三月誤

十日年七十三獻章

事母甚謹母非獻章在側輒不食食且不甘母年九十康強而壯獻章以古稀之年常多病慮不能送母終故自母七十年後每夕具衣冠焚香禱天曰願某後母死事伯兄如父坐

必隅坐

狀行

善與人交羅倫嘗改官南畿謂之曰子一代偉人

也忠不擇地幸免之及卒爲位而哭爲之服總三月知縣丁

積卒於官爲綜理其後事甚周創議建慈元殿大忠祠於厓

門人服其卓見

賈志

晚年按察使李士實以數百金爲之買園

於羊城卻不受御史熊達

案原文作達誤達字成章

欲建道德坊於白沙

以風多士力止不可乃創樓於江滸爲嘉賓盍簪所榜曰嘉

新會縣志

卷八

人物上

十八

會都御史鄧廷瓚檄有司月致米歲致人夫二名卻之以詩

曰孤山鶴啄孤山月不要諸司費俸錢其德氣睥面盍背無

貴賤老幼莫不起敬門人賀欽肖其像懸於別室出告反面

有大事必白

狀行

蘭谿姜麟至以爲活孟子云

明史

居恆訓學者

曰去耳目支離之用全虛圓不測之神又曰知廣大高明不

離乎日用求之在我優游饜飫久之而後可入也又曰日用

間隨處體認天理又曰舞雩三三兩兩正在勿忘勿助之間

便是鳶飛魚躍又曰學以自然爲宗以忘己爲大以無欲爲

主蓋其學初本周子主靜程子靜坐之說以立其基而造道

日深自得之效則有合乎見大心泰之詣及門之士如遼東

賀欽嘉魚李承箕番禺張詡增城湛若水順德李孔修梁儲

東莞林光其較著者也

賈志

其教人隨其資品而造就之至於

浮屠羽士商農僕賤來謁悉傾意接之故天下被其化者甚衆行狀爲文主理而輔之以氣不拘拘古人之繩尺自有以大

過人者性喜吟詠故其進退語默之機無爲自然之旨悉發乎詩書法本顏魯公時而縱筆恣態橫溢類坡仙山居筆或不給束茅代之晚年專用遂自成一家人其詩曰茅龍飛出右

軍窩指茅筆也參賈志初獻章自京師還與族弟同舟遇寇盡劫舟人財獻章居舟尾呼曰我行李在此寧取我物耳寇曰

女爲誰答曰我陳某也寇羣舉手以禮曰我小人不知驚動君子幸無怪舟中人皆先生友也忍利其財乎悉還於舟焦就

雲歲貢景易邑庠孫男三曰田曰畹皆庠生曰豸玉堂叢話萬曆十三年詔從祀孔廟三十八年諡文恭賈志子二景

案賈志於白沙傳次序多誤嘉會樓建於宏治時乃

新會縣志

卷八

人物上

十九

列應召之上王志亦然過羊城觀者如堵至擁馬不得行此應召時事乃云每出至擁馬不得行又行狀原云每夕禱天乃慮已多病先卒故曰願某後母死王志云母病旦夕具衣冠禱天願某代母死凡此皆改移行狀之舛者今謹略案行狀及本集詮次之而邑中白沙之友與其弟子悉詳考而附列焉

謝脾字伯欽城西沙堤人與陳獻章同往學於江西吳與弼數載而歸所學益進道學源流錄稱脾與白沙同爲道統羽

翼云草志

謝慈昱字德明沙堤人有賢行白沙先生與之友贈詩十絕番禺張詡和之白沙詩云江湖城市氣交吞誰放蘭舟繫柳根肯與漁翁通水界白頭破浪在江門張詡詩云我老須分

太華眠旋從公處問江天平分雪浪三千頃只與囊中一半
錢讀陳張詩想見其爲人

參草志

馬廣生字元真潮連人陳獻章之友嘗相與作均田法以嗣
其兄之無嗣者獻章書之曰與不相惠慮不失機馬氏不替
其世與古岡之俗有恆產者死而無子人爭爲之後其爭也
仇親戚捐軀命不顧長老不能化朋友不能諫官司不能決
甚矣哉禮爲人後者爲其父母服期夫生我者父母也所後
之人乃旁親也以其所輕易其所重雖有父母之命賢者猶
不甘心焉況以爭奪爲之後乎孔子人倫之至也薄乎欲爲
人後者俾不得觀射果賢者爲之乎風俗之澆漓人心之薄
惡知求利而不知愛親其可哀也已馬氏叔姪亦善處變矣
乎父母天倫夷齊交致其重亦充是心而已西山之薇其卒

新會縣志

卷八

人物上

二十一

勝孤竹之士歟凡世以嗜利之私傷友于之情者觀此可以
少愧矣知縣丁積稱馬氏處家有禮讓之風均田一事可法
於後世勉之以詩有喜見林中有俊英之句

王志

容慎字允恭河塘人性穎悟好讀書詩文援筆立就會陳獻
章之學命其子璘姪珪等往受業焉嘗謁獻章歸而嘆曰學
無真傳文未收斂使吾早遇石翁吾其止於是乎自是往來
白沙甚密每以年邁不克精進爲憾病中獻章嘗問以詩云
阿咸送米小廬岡問訊高眠尙北窗安得如前好筋力與君
馱醉蹇驢雙

此詩白沙
集中未載

築小山詩屋於西良靜坐其中其性

情志趣悉寄於詩嘗以詩質獻章獻章答之有云自堪爲喜
極誰敢笑詩狂蓋任達豪放天性然也尤深於醫惟獻章門
中求醫者往往不惜跋涉焉旣寢病以詩代柬於獻章云回

首曰關掩白雲百年心事欲云云憑誰寄語陳公甫爲寫邱山碣石文卒年七十

探訪冊

容恪字允敬河塘人涵養淵純孝慈天至父母有疾躬自調侍不假僕婢孝養終身弗倦與昆仲愛敬篤至出入相隨好讀書樂於山林嘗築別室東良山下號曰靜軒燕居無事輒引昆弟兒姪游咏怡然平日慕陳獻章之學因與交游并令其子珪珽璿璣受業焉卒葬三岡馬鞍山陳獻章爲墓誌銘稱其紀綱孝友以裕乃家羅倫作靜軒說謂靜然後見萬物皆有春意云四子珪珽璿璣別有傳

參白沙集探訪冊

案以上俱白沙之友

李昇石步人陳獻章門人成化元年舉人不仕

王志

林紹光字一榮沙岡人少從陳獻章遊博通羣書得獻章律

新會縣志

卷八

人物上

二十一

呂之學成化間舉明經邑御史鄧文憲少貧資而訓之傳以律呂所著遂行於世士出其門者甚衆皆彬彬有白沙之風督學林廷玉雅重之聘行射禮於各府故嶺南射禮自新會始今稱學行志古之士必曰林一榮云祀鄉賢

王志

按阮通志云新會志有傳其選舉無林紹光舉明經事惟成化七年歲貢有湯紹光爲江南興泰訓導者疑卽一人案今沙岡皆林姓無姓湯者

陳瑞字德貞邑人性豪邁不羈善寫雲烟山水成化中馳名藝圃至京師授直仁智殿錦衣衛鎮撫漫筆爲希夷騎驢圖益精絕後師事陳獻章力於學嘗以非罪名縲絏獻章救釋之後逆旅樓中客有議白沙之學者遂力辨之大呼墜樓

折肱其篤信如此

粵大記

周鎬字文邦麻園人白沙陳子門人陳子嘗與鎬爲雲潭之游作雲潭記及卒悼以詩云何人擺脫浮生事得似周郎易

簣時門人錄

周京字文都鎬弟陳獻章門人白沙弟子傳生聰穎絕倫幼孤事

母兄以孝友聞成化十三年舉於鄉以母老藏修十餘年築

曝日臺習靜其上正德三年銓授應天府通判廉明公愼吏

畏民懷後報擢治中未聞命卒王白沙贈文都詩小住江門

五案今白沙集作四十年隔波潮應荷相連案今白沙集作憐窗開四面客

通刺酒覆三杯月到船身上紫袍知有相畫中碧眼亦真傳

明朝庾嶺高回首萬里晴波正接天文都子名必誠案今白沙集僅

云童子久住侍父人克字無必誠兩字時尙幼侍父入京白沙亦贈詩云還著

小坡隨長公天葩未吐孝經通青襟誰不羨童子白髮我徒

新會縣志

卷八

人物上

二十一

成老翁曝日家聲從此大凌雲氣魄蓋人雄曲江清獻鄉先

達敢道後來無此風阮通志引白沙集必誠登正德十一年鄉試仕

至衡府長史王

譚以賢字希聖律子邑人從陳獻章游立志行己不媿古人

以貢爲會同訓導著玉峯集白沙弟子傳嘗註陳子律詩陳子九

日下廬山示詩云瘦藤扶上小廬山東望何州覲面難衰鬢

插花秋意思浩歌揮琖酒波瀾山中雲氣方迷晝草際蟲聲

漸逼寒知我倚松長嘯罷江門水月正宜觀賈

譚以良字士直律子以賢弟由儒士領宏治二年鄉薦赴春

官以親老不忍行少穎異通古文事親定省温清有禮嘗遊

白沙門學主靜行敦本實凡邑中孝節亟爲表揚當時同門

李世卿顧勉齋李子長湛民澤咸推重之白沙於其沒也弔

之以文白沙弟傳曰於乎士直遽至此耶天不與之年與之才

將誰咎耶彼碌碌者老無聞於世又何貴於年耶白沙集

黃佐字希顏邑人從陳獻章游工詩文成化十九年舉於鄉

仕廣西太平府推官獻章贈希顏春試詩云北風雨如注是

底別離時黃色眉端動青雲足下馳兒童酣世豢國士醒心

期去去江流疾還君一贈詩又贈之太平推官詩云有官五

馬後無官百揆前不將前後看須著有無言白沙弟傳

梁衛字國鎮一字豸南小岡人從陳獻章游成化二十二年

舉人梁氏家乘獻章送梁國鎮詩蓋有藏器人我病原非果徘徊

思遠道欲往悲足跛梁生千里駒東西無不可飛轡入長安

垂楊春婀娜白沙集李孔修贈詩云蘆月渚烟能子北俗作一熊誤

竿誰識紫溪翁梁氏家乘

新會縣志

卷八

人物上

二十三

宋容重字子敬潮連社邊坊人成化二十二年舉人賀縣知

縣白沙門人宋氏家譜

李翰字文卿邑人陳獻章門人宏治五年舉人六年會試副

榜第一教諭廣西懷集除南直隸上海教諭轉北京國子監

學錄陞北京山西道御史未任卒陳肅謂其操心律行風韻

灑灑酷似吾白沙夫子云白沙弟子傳

黃元邑人宏治五年舉人陳獻章門人福建龍巖知縣改江

南武德衛經歷王志

施用字以政竹萌人遺腹子也少嗜學大母惜之令毋攻苦

則獲其燈候大母寢乃默誦夜以水沃足令冷氣逼體使不

得寐嘗遊白沙先生之門淹綜羣籍領宏治五年鄉薦第二

授南京太平知縣著廉能聲嘗減解戶以恤民力革迎神以

淑民心有兄弟訟爭產者不問賦詩示之相與感泣而去當事者交檄薦之以不得郡守意議左遷遂歸百姓扶老挈幼遮道畱之縉紳祖帳泣別一時爭艷其事家業蕭條猶好施與友人林挺之貧月給資糧既死猶餽問不輟邑宰重之時造廬請教築別業南溪畔以吟咏自娛卒年七十五諸子皆世其家學第五子應岳自有傳

鶴山志

區越字文廣潮連人父鑑字元暉有隱德嘗戒子孫勿出息錢曰舉貸刻責多逆情斂怨曷若力耕節用之善乎鄉人有鬪者爲開陳是非多解去里有潮田歲一稔鑑率衆築堤捍海爲蓄洩法遂獲兩熟

王

越八歲喪母哀慕切至事繼母以

孝聞從遊白沙

白沙弟子傳

舉宏治八年鄉試登十八年進士知

新會縣志

卷八

人物上

二十四

者嘗德越密饋金爲之謀峻却之擢戶部主事歷員外郎中委兌清江倉糧以廉著歷知建寧寧國府前守喜峻法八人罪越廉知非辜悉爲申理或以獄成不宜反越曰罪疑惟輕今罪不疑乃滯於成獄乎執之愈堅卒無冤獄嘗夜寢覺大寒亟索衣出脫荷枷者曰罪止小懲凍死其若之何擢浙江副使晉江西左參政分守湖東平積年逋寇以老致仕卒年八十七有西屏集六卷長子元履弋陽教諭季元晉登嘉靖四年鄉薦任雲南鎮南知州晉福建興化同知初領鄉薦甫弱冠以父解組遂決志終養父歿築廬墓所朝夕哭拜年踰五十始受專符所至著廉明有見泉詩集十卷

參王

陳紹裘字仲冶外海人嘗游白沙陳子之門宏治八年舉人

仕浙江布政司都事陳子有寄仲冶金臺詩

門人錄

梁大廈邑人宏治十一年舉人官豐城教諭師事白沙先生嘗言曰先生經世之心始終欲行作聖之功垂老不息但修下學之常誰覺上達之力屢與教中所見者飲水曲肱之樂溫厲恭安之容自然語默之教宛然孔氏之風若夫規圓矩方而有光風霽月之趣天挺人豪而詣渾然天成之區初非一長之詣是又先生之餘同上

周正字天統邑人賈志弟從陳獻章游宏治十四年舉人寶

坻教諭參賈志門人錄

張璧光字純卿凌涌人嘗從陳獻章遊宏治十七年舉人母黃氏年至九十二每食必親供自少至老無怠容初知慈溪縣俗故多溺女璧光立保甲嚴禁之所活甚衆再知懷集縣城池橋梁以次修理省費寬民德之暨歸年八十一卒王志

新會縣志

卷八

人物上

一十五

湯霽字民悅號九山白沙弟子傳邑人與兄雲弟霓皆從陳獻章遊嘗延獻章至其鄉八仙井山中講學與湛若水友善時鄉射之禮久廢宏治十八年知縣羅僑聘霽及諸生譚以賢林紹光等損益禮儀及樂習之正德初提學林廷玉至縣觀射賦詩命霽等遍教各郡嶺南鄉射自此始年七十尚以詩寄區越自悔進德修業之遲後與若水改葬陳子若水因畱霽家爲霽兄弟置田百畝而去賈志

黃彥杜阮人正德五年舉人宜黃知縣陳獻章門人王志

伍雲字光宇南山人王志系出汴梁伍氏先世仕宋爲嶺南第十三將日珉之子始來新會世爲士大夫家雲自少軒整有志於世無所屈讓人有善好之若出諸己年垂四十始從獻章游南山之下有大江雲以意爲釣艇置琴尊其中題曰光

風艇遇皓魄當空水天一色乘艇賦詩傲睨八極陳子扣舷歌而和之飄飄乎任情去來不知天壤之大也然夙病肺乃杜門息交構亭於南山之巖焚香正襟趺坐竟日別於白沙築室三間獻章題曰尋樂齋嘗曰雲妄意聖賢不知其所謂樂自覺惟坐爲樂耳每每讀書言愈多而心愈用用不如不用之愈也蓋用則勞勞則不樂不樂則置之矣陳子曰仲尼疏食曲肱顏子簞瓢陋巷將來曲肱陋巷耶抑無事乎曲肱陋巷而有其樂耶其慎求之毋惑於坐忘也夫心不可用書亦不可廢其爲之有道乎得其道則交助失其道則交病願終思之仲尼顏子之樂此心也周子程子此心也吾子亦此心也得其心樂不遠矣雲前此惟務意氣勝人凡出藩籬事亦無所不爲至是痛自懲革至曰若不自樹立爲人不如死

新會縣志

卷八

人物上

二十六

與陳子論文曰黃涪翁題摹燕郭尚父圖盡之論書曰兔起鶻落法語也如畫者必知書其爲蘇長公乎至於詩則唐以下近體無取焉嘗告於季父絢洎伯兄裕割田若干畝以供祀事權以所居第爲祠有事必誠必敬朔望率以夜半起衣冠端拱立祠下以俟尊卑男女咸來罔敢不虔辛卯秋始營材爲祠當病亟時尙經度茲役卒之前數夕陳子視之雲曰雲薄命負先生數日遂卒年四十有七實辛卯十月十八日也無子兄裕以其次子秉中爲雲後

參賈志文集
伍光宇行狀

案白沙先生光宇行狀作於成化七年辛卯先生年四十四伍卒於是年年四十七是長於白沙先生三歲王志沿賈志之文俱云伍少於先生七歲誤也

陳魁邑人師事陳獻章最久

白沙弟子傳

獻章與書曰昨望見生

龍鍾如東田老人稍就之疲頓與石翁異者幾希然與之論
舊事寫平生於我三沐三薰之厯厯猶是也惟日孜孜斃而
後已生與我皆然復何道哉白沙弟子補編

陳謙外海人陳獻章門人獻章嘗居其宅白沙弟子傳

容珪字彥禮弟珽字彥昭璿字彥潛璣字彥貞皆同母阮氏

出陳獻章輓珪詩四雛一母乳衍衍東山岑謂此也河塘良

村人俱師事陳獻章四人相繼而逝獻章有詩悼之云水光

山色兩依然不見當年載酒船老我交遊疎後進君家兄弟

散朝煙兩峯原註彥昭號腳迹今何在原註彥昭常遊永豐江浦謁羅一峯莊定山彥

禮碑文久未鐫原註某欲為彥禮墓銘未刻莫道江門空識我千秋遺話

及璣璿又有輓容珪贈容珽悼彥潛詩珪從弟球字彥輝獻

章有球來訪詩云看君迴出諸容右問我何如十載前璘字

新會縣志 卷八 人物上 二十七

彥文亦珪從弟獻章有與彥文書答彥文見訪詩參白沙集採訪冊

按阮通志及舊志與白沙門人錄於諸容俱未詳今

據採訪冊補入

潘松森字季亨潮連坦邊人性孝友從陳獻章遊少獻章五

歲事之如父獻章問來學意森以學為聖賢對獻章器之為

學不求聞達故與獻章有深契後得疾猶孜孜不倦病亟獻

章親送歸家及沒聞訃又親臨哭之為詩誄序云季亨之交

於予十六載意篤而業不光一旦棄我而死不塞望矣吾所

以不能不為之慟而深追憾於平日也嗚呼季亨尚能聞予

斯言否季亨死有子纔五歲四女皆幼揭而委之一寡妻是

可哀也詩云毅卿希大雖傾謝此外寧無二子為覓地葬於

篁庄村之纏岡山時林緝熙見獻章詩亦哀而誄之詩云西席頻年

畱老眼北邙何日遂深期平生未浪垂雙淚惜汝還能賦此
詩一死合畱終不死他時料及今時野烟殘照離離在誰
把從前 獻章手錄誄詩及序並林詩勒石為墓銘草志

易龍字體乾坡山人今屬鶴山陳獻章門人賈志弟傳博學強記性

操端潔以貢為郴州訓導其教人必先明義利嚴程課而徐

講古禮以維之州人郎中何孟春亟稱曰吾黨弟子知根本

工夫未仕而行已治家可觀者君之教也艱歸喪祭盡禮率

其族建祠堂作家訓立宗子以統祭祀常曰宗子不能修身

庶子不敬宗子皆為不孝故從子達已登科年長而事之最

謹云服闋補汀州府訓導卒王志

易元字德元邑人今隸鶴山為郡學生有文名陳獻章門人白沙弟子

嘗謁羅倫於永豐倫贈以南海三峯記謂南峯德元東峯

秉常兩峯容彥昭也參一峯文集

新會縣志

卷八

人物上

二十八

張不已水南人庠生父友梅與陳獻章為友命不已從學獻

章贈其赴秋闈詩不已心期不已知明年九月赴秋闈摩天

氣吐三千丈蟾闕高攀第一枝白沙沒建祠置祭田諸事多

不已經理之採訪冊

趙思仁本名善仁字壽卿三江人其祖安郡王必迎勤王厓

山思仁好善樂施嘗游陳獻章之門宏治四年布政劉大夏

與獻章遊厓山議立楊太后廟思仁請出錢二百千供土木

費大夏義之疏聞賜冠帶義士復其家初知縣丁積遺愛在

民白沙村建丁侯祠思仁為捐田尸祝之又以五十畝為白

沙祠祀典其施與繫於風化率類此採訪冊慈元后為國死海

上是時宋室已亡極是俊偉明白二百餘年未有發揚其事

者頃者東山劉先生至厓山慨然欲表其義又不欲千諸有

司乃有里後進趙壽卿願出二百千立廟議選鄉民吳璋董

役可謂義舉近者案治臨縣仰取管役士民吳璋本縣誤

作又取人期之遂至驚疑不即赴官累及其母婦知舊皆被拘
繫事勢如此不幾於垂成而敗乎璋乃壽一明文委之其少孤
璋極力拯扶之最所親信今須得察院下幸畱意又與馬玄
壽卿亦署加獎諭使人心無事乃可濟畝以祀事與厓
眞書百壽卿助建丁明府祠又捨田十二畝爲賦詩謁世卿
山破賀之非徒見作廟人實以表前令之愛於無窮在足
文以賀之非徒見作廟人實以表前令之愛於無窮在足
下宜有高不作非專爲趙
生也不可不告惟尊裁

黃球字元海聞陳獻章倡道白沙由邑城徙居白沙之陂頭
就學焉子子正號梅所能繼父志獻章嘗尋梅陂頭有詩與
之得隨處體認天理之旨物雖至微皆護惜之涸池蝌蚪鳥
雀爭下食之日令童子逐鳥雀汲水灌注以遂其生其仁可
知矣壽九十白沙弟孫孚與淳自有傳王
黃昊字公覆邑人白沙陳子門人陳子示昊詩云高明之至
無物不覆反求諸身欄柄在手賈

新會縣志

卷八

人物上

二十九

按賈志既有黃昊又有黃昇誤昇古昊字也

黃子賢水南人白沙陳子門人以孝致甘露之祥潔行好吟
無愧陳子之門探訪冊

黃鶴年字一彭陳獻章門人賈志弟獻章嘗從周文都宿其

宅有詩云看山從我不齎糧聞說葳蕤滿道旁草閣塘邊邀

飲罷青燈同宿有周郎白沙集

戴球字汝強號息齋按天臺人長子恩次子澤俱庠生三子參字

君惠父子兄弟俱陳獻章門人獻章弔球詩開元一日雅來
往到如今若問斯文契湘江恨未深陳獻章卒後戴參割田

五畝以供祭祀參門人錄賈志

按白沙集卷三有與戴惠書先王教民以恥云云卽
參也或編集者漏君字也

戴昭邑庠生戴輯邑人戴弁邑歲貢字仲儼俱陳獻章門人
賈志弟子傳案
三戴皆天臺人

梁潛字永崎小岡人貢生少穎悟博學與戴敬輩同受學於
陳獻章一日誦詩至富貴不淫貧賤樂男兒到此是豪雄句
輒嘆曰大丈夫當如是矣陳容致仕歸語潛曰以子之才應
試可占上選乃不赴考何也潛曰斯道也使得真信如漆雕
開即是真祿何以名為遂絕意科舉杜門不出號曰橋東釣
者採訪冊

譚有蓮天河禮村人從陳獻章游嘗為獻章孫田擇昏見白
沙集為人誠樸好學獻章嘗書楹帖於其始祖祠曰千秋俎
豆將誠地書未畢獻章得家報云母病遂不終書而去於此
益見獻章之孝云其族人龍灣譚克晦亦以仁孝行誼著名

新會縣志

卷八

人物上

三十

邑令周延以為有太邱之風

同上陳獻章與譚有蓮書比

小孫田議婚以平卿之孫女平卿善士與古愚先兄游處亦
通家也幸甚幸甚第恐傳言或誤好事多魔於是叩諸耆得
大過之豫蓋吉占也未審果如尊意否夫量才求配聞之先
賢計產許昏甚於流輩疑孫未中東牀之選世業恐貽西
隣之憂是以未能釋然於鬼神之中謀也專此
馳白庶幾為是倘不以疎外見疑拱俟拱俟

譚綬邑人庠生遊白沙之門壽九十三

王志耆
壽傳

李九淵字深之白沙陳子門人陳子有問李深之病七絕詩

李鴻字從正從陳獻章游陳子有尋梅飲李鴻宅詩

俱門人錄

謝文信字伯倚邑人陳獻章門人有讓田於叔之美

賈志弟
子傳

獻章有謝伯倚得孫送薑酒詩云七十一年雲水中半江老
隱舊知儂一杯引滿為君起伯倚今朝又作翁

白沙
集

案此詩因伯倚得孫而思及謝慈昱也半江慈昱號

伯倚或半江子姪俟考

林棟集作邑人陳獻章門人獻章悼棟詩云一日之雅亦為

哀鍾淑相隨入夜臺此生未了男兒事也向扶胥打坐來陳遇

夫白沙門人錄

鍾淑字廷重潭塾人性謹厚寡言笑而赴義常若不及曹郡

守辟為都埠長林邑侯親造廬勸駕淑固辭弗就遊陳獻章

之門潛心理學獻章勸事舉業淑弗從以是益器重之與伍

雲林棟友善獻章嘗曰所居之旁伍雲鍾淑林棟此其人皆

可以共遊云年五十與林棟後先卒獻章悼棟有詩見上林棟傳

志草

關中字時中談雅人歲貢岳州府訓導出陳獻章門參門人錄

案關氏族譜有中自序署曰常德府沅江縣知縣俟

考

新會縣志

卷八

人物上

三十一

麥岐字秀夫邑人陳獻章門人獻章有候秀夫夜遇七絕一

首贈麥岐七絕二首參門人錄

陸輦邑人陳獻章門人江西萍鄉縣丞王志選舉

馬國馨潮連人父廣生國馨與從弟貞俱從陳獻章之門獻

章與貞書云貞父不幸早世貞卒成立貞有母也參白沙集并門人錄

阮繕宗字世緒號雪島潭岡人採訪冊篤好古道白沙是師有

前哲風番禺李鸞雪島祭田碑記

周儉字用中邑人陳獻章門人賈志弟子傳

黃忠邑人陳獻章門人案黃忠字景臣亦獻章門人不

黃在字子察邑舉人陳獻章門人仕學正

易彬邑人陳獻章門人

黃壽字叔仁邑人陳獻章門人

容欽邑人陳獻章門人

林樟字挺之邑歲貢陳獻章門人

陳鬯字君敬陳獻章門人俱同上

謝君章處士丹竈人陳獻章門人採訪冊

周端麻園人陳獻章門人同上

聶元會字時嘉河塘人採訪冊陶魯第五壻宋端儀撰三廣公墓誌從陳

獻章游白沙集附錄何維柏白沙祠碑記

胡旦字養蒙胡曼字養源俱河塘人與族人胡岳俱從陳獻

章游參賈志弟子傳採訪冊

按以上俱白沙弟子 又考白沙弟子有顧勉齋王

譚良傳余善吳嚮李由李方李同俱賈志白戴敬梁氏家譜

鄧谷隱鄧澹樂二人號皆白沙所贈諸人俱未知本邑人否附

新會縣志

卷八

人物上

三十一

綴於此 又案梁氏家譜梁潛傳載陳容正統三年

舉人長沙教授與梁潛同受學白沙云云考王志選

舉表有正統三年舉人陳鵬湖廣長沙教授梁氏家

譜當因避諱改作容也惟王志未載白沙弟子俟考

余統字承之書廈村人成化二年進士授行人遷南京監察

御史疏乞均用才抑奔競糶陳糧併殘伍禁宿弊修國學前

後疏數千言皆切時政有奉使者寄孥而行統避居僧舍俟

其使還乃偕入其持操類此卒於官郝通志

李興字叔起滄灣人由成化七年舉人知福建長泰縣賊温

文進倡亂悉心備禦民賴以安丁憂服闋知廣西博白縣善

撫流民人多稱之王

湯和字清軒潮居古魯人言動有度成化間貢入成均祭酒

吳儼器重之知定安縣多惠政丁內艱囊篋蕭然惟家禮二冊章服一具而已服闋入都補官銓曹掾索常例曰我只飲定安一口水安得常例錢哉遂拂衣歸甘泉集孫雲雩霓皆陳獻章門人能世其德年八十二卒湛若水爲之贊曰立心公律身嚴居官介奉先孝祭祀敬享年永宜哉祀邑鄉賢雩自有傳王志

李渭字長源鹿洞村人

今屬鶴山

少以戶役爲縣令所辱遂發憤

下帷不設枕席者三年登成化二十年進士授鳳陽府推官決淹獄如流時妖僧崔同兒以邪惑煽衆將爲亂渭擒而杖之言笑自若渭朱書其名於背始呼號乞哀乃械繫送獄及夜忽狂風驟作屋宇震撼渭知妖僧所爲仗劍率健兒抵獄所則桎梏已脫矣厲聲叱之搜左脇有妖書墮地立取焚之

新會縣志

卷八

人物上

三十三

斃杖下僧將死始曰邪不勝正吾術誤矣其黨聞之皆竄匿

解散渭亦不問一郡始安

王志

鄭府紀善王澤作遏惡傳以紀

之仕終淮安府同知

黃通志

陳經綸字汝學滄灣人陳元輔裔孫少穎悟弱冠領成化十九年鄉薦第一登二十三年進士觀政禮部纂修成化實錄以採訪事實奉使廣西暇日與士子講易一時翕然從之尋授南京戶部主事以忤權貴謫象州同知至則撫定徭民修學勸教撫按交薦尋卒於官

郝通志

譚律字仲和成化十九年舉人任廣西蒼梧教諭陞江西建昌教授性方嚴不容人過訓子弟雖燕居必繩以禮祭祀執喪惟求自致人往見之不脩容不敢進有詩集十二卷子以良以賢皆陳獻章高弟

王志

黃印字廷章杜阮鄉人登成化二十三年進士觀政戶部奉命賑薊州所活無慮數百萬薊人德之事竣授浙江長興縣知縣未至丁外艱補江南銅陵縣改吳江縣未至復丁內艱後補浙江黃巖縣遷廣西梧州府同知遽解組歸

賈志

余敬字行簡書廈村人舉人肆之子也宏治三年進士知溆浦縣修學築城訟清盜息拜南京監察御史嘗因天變奉詔陳言乞黜不職全責戚舒民困清戎伍省輸運節國用罷不急凡七事立朝侃侃有汲長孺之風丁憂歸遇雲南副使歸善姚祥謫官道卒敬殯之而歸其喪及服闋以病不行卒於家

王志

李江字朝宗鹿洞人

今隸鶴山

貌朴詞訥爲詩文則甚敏宏治五年鄉薦任梧州府推官梧猺未化江撫之盡服當時重之旋

新會縣志

卷八

人物上

三十四

以文忤當道歸

李元字景亨性好施里遭火出粟數百石濟之代廩生朱裳還負金訟爲之解温孔德兒時貧不能從師元召至教之卒

成名士

俱同上

易之教字湛許坡山人

今隸鶴山

以儒士補諸生既謝去從湛若

水遊得隨處體認天理語終身自敕執父喪哀毀骨立時祖父已耄目障乃忍死日謀奉甘旨不倚諸父既而母病日夜不解衣叩天默禱願以身代後策杖求墓地葬父母及祖父母月必沐浴遍展拜揮涕而歸弟子從之遊者必先繩以禮而後訓之書多成立孫文炳以髫年舉於鄉卽引温公少年登科語戒令閉門卒業無與外事曰汝曹稍不自勅他日負朝廷誤蒼生何以爲士先塋常被侵涕泣以請其人感悔還

之匍匐助鄉族喪葬惟恐後書座右曰存光明正大之心爲
光明正大之事里名居仁大 孝弟忠信禮義廉恥并善惡
可勸戒者於衢亭鄉里化之年七十九將卒語子孫曰忠孝
立身之本勤儉持家之本寬厚處世之本

參王
志

陶梁民字華英魯次子以父賜籍新會甫五歲驍勇多謀與
兄荆民俱知名宏治七年都御史鄧廷瓚奏魯功高其子有
才畧乞襲官隨父征賊詔官荆民錦衣衛副千戶梁民錦衣
衛百戶甫九歲卽從父平寇數立戰功十一年連州賊起與
兄荆民同往討賊梁民率百人問道抵賊巢賊爭走乃從後
擊殺數十人賊走入壁望官軍少出壁大戰梁民卽分其部
百人爲五隊往來迭戰賊旣倦會荆民兵至夾擊大破之賊
惶急乞爲良民散其黨三千餘人兩廣都御史劉大夏疏其

新會縣志

卷八

人物上

三十五

功授錦衣衛副千戶時年甫十四督撫訝其少戲曰君幼齡
乃能殺賊耶梁民曰大丈夫當立功異域以遂壯志區區小
寇安足云乎是年父卒扶喪歸十三年賊寇大同劉大夏復
疏其勇云梁民嘗以百人破連州賊數千宜再用以展其才
召還京天子亦以其少也發提督試閱皆大稱之十四年蠻
酋火篩寇榆林梁民疏稱祖父三世受恩願縛火篩以報效
遂隨保國公成暉出兵榆林值大霧乃自率所部欲刼蠻營
蠻聞驚遁是年秋火篩復寇大同梁民突入蠻軍斬其首二
人正德五年征新興程鄉興寧賊十二年勦平步北蛇峒永
水冲諸賊陞廣州左衛使十五年從撫寧侯朱麟戍邊加守
備討平古田里定駟馬寨斬賊數千降邊民數萬麟嘗嘆曰
陶君英畧如此三廣公可謂有子矣尋以孤軍深入戰死年

三十八麟爲文祭之哀動三軍贈宣威將軍上騎都尉長子壯次子益壯襲封廣州左衛百戶亦膂力絕人而恂恂好文爲祭酒倫文敘所器妻以妹痛父死於王事疏請從軍充前鋒領兵校尉從總督王憲出捍邊河多斬獲又從督兵王效擊寧夏陞指揮使尋以巡邊戰歿時年十五贈信武將軍騎都尉益自有傳

草志

李文明字朝光鹿洞人

今屬鶴山

宏治十一年舉人初任湖廣衡

州通判有運糧領兵築城賑饑之功時朝廷有事乾清宮文明督運材木有羨餘銀四百餘金悉歸之部以憂去補判湖松兩府理徭賦以清介聞遷福建建寧同知居官三載臺院敬禮之以疾致仕卒年八十一

王志

鄭銘字克新許坑人登宏治十八年進士會孝宗崩纂脩實

新會縣志

卷八

人物上

三十六

錄執政聞其博洽命往滇南網羅散失銘徵採纖悉靡遺還授戶部主事催餉德州出納平允軍民稱便歷郎中出守袁州勤恤民隱修城飾學百廢漸興袁俗嫁女率傾貲產之半故生女多不舉前此屢禁莫能止銘爲定上中下奩嫁之式奢者以僭論令行遂無溺女者又俗多火葬銘痛諭之謂無異實親炮烙之刑人子忍之乎皆憬然悔悟旋解組歸士民思之勒石宜春臺上銘與同里區越居平皆以孝稱事繼母均得其歡心白沙陳獻章兩作慈母詩遺之子時舉自有傳

同上

陶益字允謙三廣公魯之孫宣威將軍梁民子也性聰敏讀書七行俱下博涉強記研精書法尤粹於易終日端默燕居無情容事寡嫂倫氏如母與青蘿王漸達鶴門關於政講明

理學嘗夢白沙而學益篤就正於湛若水若水嘆曰允謙肫醇淵摯其後學之領袖乎使得及吾師門閔冉之流也構榭塾書屋講學其中一時好學之士從若水遊者輒命之就見力務躬行不事虛談名理或勸之著書謝曰大道目擊而常存至理反求而大備陸九淵云六經皆注腳也又况濂洛關閩闡晰無遺乎但願與諸君體驗力行而已以明經授江西永新訓導日集諸生坐明倫堂講白沙之學立考德問業簿以稽勤惰課督無虛日士之貧而好學者出俸給之如劉朝噩等後皆爲名臣復以其鄉行教養賑濟之法施於永新撫按交薦部檄內轉以目疾力辭歸里永新士民慕之祠於名宦年八十卒

王

臨終戒子曰吾生平自檢不逮何有於聖賢

之道吾死後必有以吾請人鄉賢者汝曹慎勿聽之及卒縉

新會縣志

卷八

人物上

三十七

紳果以爲請其子絢以遺命力辭

文震孟撰傳

李翔字舉南潮連大燾人正德二年鄉薦嘉靖二年進士授衢州推官以母老畱家人事之攜一僕行

郭通志

凡事有裨於

民者必堅持之動忤當道不變時鎮守大監虐民翔手鐵如意擊之於座羣小震讐浙人呼爲李鐵尺按察副使潘旦者婺人也婺與衢地接旦弟昺與衢民郝冉婚媾有年矣冉後拓落昺欲悔之旦助焉以牒授翔翔若不喻其意者執不可衢人益重翔在衢三年蕭然獨處惟敝帷一奩破篋二楮及圖書數卷而已與副使朱裳仁和令李義壯號三清巡按御史王演雅重之尋擢刑部主事以思母故改請南部以便迎養或止之翔曰近思老母年九十四母子南北夢魂顛倒矣遂請得旨除南京文選司主事兼程歸母已先病奉侍七日

而卒人謂孝感補戶部員外郎晉郎中出知邵武府屬縣內社各立學學凡數十區弟子隸籍者凡幾千人文教蔚然然翔性剛方不能善事上官有僧繼圓者罹法當死直指包節右之改戍南丹且檄守發遣翔對曰凡僧問戍例行原籍追解以便他日勾稽無就寺發遣之例包不悅謂其倨傲無禮翔聞笑曰吾棄此官如敝屣耳遂挂冠歸嘗推明性理之原多先儒所未發學者尤尊稱之著有似說閒稿各一卷嘉靖庚申巡撫陳大用題祀鄉賢

王志

李悅字子善盤溪里人天性孝友年七十言及父母輒流涕長兄七子二十餘孫產薄不能自給招與同居以己產均之族人多來依者至百餘口庭無間言所居臨海每颶風作屍棺漂泊悅皆收葬之今龍盤山列塚是也正德中提學章拯

新會縣志

卷八

人物上

三十八

旌以帛年八十卒

李祐字元老文章里人宋尚書李喬木裔孫也性醇樸正直事親孝教子嚴尤勇於濟人之急立書田以優嗜學者遇荒先行賑石鼓叛寇過其里曰此李長者宅誠不入布政章拯臨邑大征卽善民無脫者得仇所指祐近社三人爲盜欲擒而戮之祐切切稱三人寃曰脫有私祐三子願戮以償章怒曰吾卽戮之曰秦殉三良人百其身三子安足惜章始悟三人得釋僕與富民日間毆夜中風死衆鬩然起富民畏而遁託客饋百金求息祐揮金不顧亟棺而瘞之寢不以言嘗建萬遂永康二橋造凹背亂石二路行人利之子晉階超俱補諸生承父志知縣王命璿匾其祠曰德義世馨

俱同上

許公祐水口那圍人天性穎悟年十八遊邑庠以家富地僻

爲土賊所圖正德四年八月之望賊治筵誘其父德潤出將殺之而分其產公祐覺之勸父母攜五弟從山後遁而已以身當之父曰我且畱女可與諸弟去不則與爾偕去耳公祐曰大人獨畱兒不忍也相與共去賊必疑而追我去亦不免兒在此以計誑之必無患父母遂行少間賊招之公祐見之問若父何在曰倦方卧少頃當隨父來矣賊信之候至昏大怒戕公祐父乃徙居邑城採訪冊

劉文瑞字廷麟邑城人

賈志古勞人

正德六年進士授行人奉

使占城賜一品服事竣擢刑科給事中時帝屢巡幸文瑞抗疏請回鑾言皆剴切其畧曰臣觀聖意所欲巡幸者自遼東宣府大同延綏以及寧夏甘肅至於河南山陝諸省南北直隸皆遍歷而後已然遼東迤北地近戎夷土寒不生五穀軍

新會縣志

卷八

人物上

三十九

民類多罪徙一有邊警挈家逃竄其窮苦可知矣况宣大二鎮數經駐驂今復繼往民何以堪河南山陝與南北直隸則又水旱相仍寇盜竊發民之凍餒而死者不可數計逃亡從賊者將逾半矣災害旣慘今復騷擾民將何所控訴哉詩曰天命降監下民有嚴書曰民罔常懷懷于有仁民心旣怨天意亦怒不能懌矣陛下聰明勇畧超出天下夫何念不及此耶且前日應州之捷人皆知陛下躬冒矢石所致及論功行賞則從征之人有進秩一級者有超陞三級者有加祿米賞金帛至於廕子者且又有不經戰陣不與參謀而亦冒受陞賞者矣陛下所得特加公爵之祿耳以天子之貴享四海之富而乃加公祿亦何謂哉茲者聖駕又欲徧歷多方以耀武功臣竊以爲無故輕舉殆非長策就使成功亦不過爲將士

謀耳儲位未繼府庫空虛民窮盜起災異迭見正當修省而猶結怨於民臣竊爲陛下不取也不報時正德十三年三月也十五年擢湖廣僉事抵家卒文瑞爲人樸厚慷慨甘於貧乏卒之日殮葬不給云

王志

鄭時舉字一鵬太守銘之子也正德十一年舉人

王志

嘉靖間

知泰寧縣以清儉聞先是令丞簿尉薪水悉屬民供歲不下千五百金民困於奔命時舉悉罷之

福建志

建利涉橋邑無廢

事民安其生陞道州知州丁父憂起補海州首陳三議釐舉二十七事流民間而歸之遷南寧同知卒於官檢其遺貲惟衣篋書笥而已

王志

許相字廷翰容穀巷人端謹守禮鄉人推重由正德十一年鄉薦教諭建安正己率物身任教化講明經學從之遊者多

新會縣志

卷八

人物上

四十

所成就年四十八卒於官子炯自有傳

王志

陳元定字君準外海人早失怙奉母劉極孝敬兄弟怡怡至析田產獨受礪确正德末山谷盜起布政章拯果於誅殺人皆畏之縛無辜三十餘人將就戮元定方弱冠毅然詣章白冤悉得免族黨嫡庶久訟不解諭之曰千金飾馬首而俾族屬衣鶉結如田氏之荆易瘁何按察周某聞而嘉嘆之訓諸子以提躬勵行子試知縣誥通判孫桂生理問中生孝廉曾孫椿先亦孝廉皆以經術顯

同上

容璠字廷桂河塘人

賈志

性質魯仁孝早失怙每奉遺物輒泣

不已盜火其居遺物獨存其孝感如此事母志養尤篤由歲貢至京以母老陳情終養母喪復入南監祭酒費案尙書湛若水交薦嘉靖初廣東布政使李中以聞詔旌其門

郭通志

後

養兵玩寇縱番索貨諸事爲李所排憂憤卒輿論惜之

王志

許炯字彥韜相之子十歲通古書爲文詞操筆立就年十六始還鄉里一時薦紳大夫奇其才造者相屬或扣之樽俎間炯卽談笑應之咸意滿而去所至揮灑淋漓悉出人意外識者嘆以爲奇好事者或謂其病中恍惚遊名山遇偉人扣其宿學旣愈遂視諸書若素習云

案此卽自序病痞事而傳者異詞耳詳見藝文吾野漫筆

條年十九舉嘉靖十年賢書究心世務上書當事言利弊燦

若指掌累上春官不第乃退而著述才氣宕佚文得韓歐之

奧云炯幼時順德給諫余經妻以女名玉馨亦能詩

王志案玉馨

傳見列女

李朝明字君表文章都人邑增生性孝友嘉靖十四年饑罄廩爲賑父仲珩爲盜擄去明挺身赴贖泣涕橫流粵刦質盜

新會縣志

卷八

人物上

四十一

雖得財多戕生口以滅迹至是感動且悉其父子素長者遂釋之督學林雲同褒之謂其孝能感盜也子挺肇慶府庠生亦孝友仁厚有父風

賈志

容朝望字幾石東亭人早孤母聶守節撫望望事母朝夕不離側領嘉靖十九年鄉薦久之授崇慶州知州晉保寧府同知摘伏發奸育才愛民百姓戴如父母當道交薦會蜀九絲蠻叛奉命督征畫策悉中機宜賊平特旨授長蘆運同以讒左遷陝西商州知州百姓遮畱塞道崇慶保寧皆有生祠至商二載卽解組歸

王志

譚維鼎字朝鉉天河人領嘉靖十九年鄉薦第二筮仕同安時倭寇及饒漳饑盜動以千萬環瞰孤城鼎請減弓兵銀以甦疲困築土堡練鄉兵 信義多設間諜令自仇殺凡先後

奪回擄口并降活者數萬人晉泉州府同知委修莆隄費省隄固莆人賴之會寇犯仙遊諸邑檄鼎與都督戚繼光討平之功上賜鏹幣贈父母如其官晉都督府經歷尋擢廣西左江兵巡僉事減兩江商稅改力差爲僱役出所撰小學解令民習之忠州土官黃督相占據四都鼎召典史李材授以方畧擒之增秩本道副使督剿古田旋謝病歸卒年僅五十同寧閩甌間皆建特祠鼎居家視弟鬲子如己子置祭田恤宗族里閭高其義

黃礪字金卿橫頭路村人性孝友年十七補諸生父終寢苦枕塊不苟酒肉者三年嘉靖二十二年領鄉薦及母終守禮尤篤事兄碧猶父選知普安州興學育才化土官抑安氏革應付民愛如父母晉廣西慶遠同知改知雲南和曲州往返

新會縣志

卷八

人物上

四十二

普安百姓攀留至不得行抵家兄碧逝哀若喪父均俸諸兄弟嘗示子孫曰予平生不玷辱祖宗不玷辱名教不玷辱衙門喪祭不用黃冠浮屠

梁以蘅字仲房橫嶺人性孝友弱冠以超貢授賓州訓導嘉靖二十二年領廣西鄉薦第三人轉廬陵教諭歷紹興府教授教人一本躬行貧不能婚喪者必資給之二十八年聘山東考官供張甚盛蘅併餽饘郵傳悉卻之自買舟行聞者嘆服擢連城令革里甲供具聽訟常從未減至吏胥有犯毫不少貸稽核版籍里役有逃亡者以富室補之逃亡者咸復業修奎文殿葺巒宮恤死刑置義塚年未四十乞歸養連城祀

名宦陳鳴華祀之鄉賢

俱同上

何孟倫字慎明河塘人家故貧嘗閭關負米事繼母以孝聞

嘉靖二十四年進士授鄞縣令王以不避權貴改知建寧縣

守正不阿扁其堂曰節愛福建通志政暇講學民歌士絃有武城

風置田給諸生來學者復令新昌擢戶部主事轉郎中推浙

江督學副使未至卒自號蘖樵王

林大章字文經沙岡人年十三操觚卽見奇督學吳默泉器

之嘉靖二十五年由舉人授江西東鄉知縣至則先修廟學

興教化邑糧常後至是催科有方民爭早輸其政大得民而

不能阿事權勢會嚴相當國鄙懋卿用事直指徐某檄縣取

金二百爲餽大章誤畱其檄竟以此見嫉給徐良傳移書

曰公仁心惠政方爾淪洽而畏途險巇如此真可太息然於

公奚病清泉白石信步皆樂惟爲道自愛耳大章歸後弟大

芳亦領鄉薦兄大積尙老諸生乃悉以父所遺產讓之又割

新會縣志

卷八

人物上

四十四

田以供先祀中外戚屬嘗有恩者皆厚報之僑居西郭足跡

鮮至公門遇建外城諸大議則身先之必成乃已其孫挺然

爲諸生性端介有祖風王

梁大中號慕臺小岡人

按選舉作
濬頭人

領嘉靖二十五年鄉薦初

授永豐教諭遷福州教授其教士皆務實行擢漳州府推官

祥刑愼罰不以摘發爲能漳人稱爲梁佛歷署龍溪漳浦南

靖詔安龍巖五縣皆有政聲遷賓州知州歸卽爲弟置產以

祖宅讓之復割俸入賑鄰人平居不言人過雖臧獲未嘗以

疾言遽色加之年七十六卒越四十年閩寇劉香犯邑掠其

鄉見外門綽楔署名曰此梁佛家也戒勿犯賈

羅兆鵬字少南古勞人

今屬
鶴山

嘉靖二十八年舉人選長樂縣

教諭起靡裁競士習以正擢知長泰縣丰裁凜凜科則有規

修良岡書院以課士埔邊塘田爲要官所效民屢訴不決鵬
舉判而歸之民寧洋盜區首議建城身任其勞遂成巖邑督
撫汪道昆譚綸直指李邦珍陳萬言薦諸朝加秩移治寧洋
而向之要官讒之乃歸二邑各爲立祠祀之歸後聞里有宦
女媵武臣家厚贖而歸其母女後爲貴顯婦云王

志

陳試字惟功外海人嘉靖二十八年魁於鄉授臨桂教諭主
桂陽書院諸士翕然嚮風遷會昌知縣遇劇盜犯城試悉力
捍禦披甲彌月賊解去會援兵失律敗於賊當道坐試以不
救罷之後朝議謂試有保障功起補臨賀賀邑小供億煩試
釐奸剔蠹均徭役稱畫一焉富川有訟殺人者司理誤坐之
拷死相繼御史下試覆審試嘆曰禍始此矣殺人媚人吾不
爲也竟雪其冤司理銜之時邑有水患蕩析民居甚衆試撫

新會縣志

卷八

人物上

四十五

恤流移先賑後聞直指旌之卒以讒免官子應中萬歷四十
年舉人改名中生性剛直授湖廣石首知縣以不徇情爲權
貴所憚卽解組歸值閩寇劉香犯廣僉疑總督熊文燦召寇
中生作水激石鳴行詩與序詳事署崇禎七年其不畏強禦如是復以海

蛋爲寇力陳剿撫鄉人德之爲建報恩祠同上

張傑夫字凌山凌涌人由新寧學登嘉靖二十九年進士授
長泰令有異政都御史戴時宗薦其治行擢南京戶部主事
長泰爲立遺愛碑焉權關淮安事竣得羨餘萬金盡入之公
帑或尤之曰幸四海乂安商旅輻輳因有羨餘皆帝力也若
以自私豈事君勿欺之訓乎嘗有盜劫官船卽冒官以免稅
傑夫廉得其狀案誅之籍其所獲獻於朝帝嘉之賜以所獲
之半旌其廉也年四十一卒於官

賈志

陳誥字惟異試之弟也弱冠領嘉靖三十一年鄉薦授興化府通判一介不取初計偕舟遇蘭谿大學士趙志皋交最厚志皋既顯人爭趨之誥泊如也家居清苦常乏食誥方把卷長吟妻遽前曰絕糧矣吟詩何補誥徐應曰卽不吟亦復何補仍不輟後過扶胥愛其簡僻因移家焉

同上

黃尊

按未詳何處人

以掾吏滿考官省祭有才畧嘉靖三十三年倭

犯蘇松兵部郎中吳一瀾奉檄召募廣兵尊慷慨應募得良

家子二千率之赴浙與倭戰於三墩設伏出奇勝之再戰於

蕉樹墩又大勝之前後斬首數千級倭寇爲之膽喪

賈志

尙書

張鏊獎之曰設伏多奇已破倭奴之膽統禦有制深稱士卒

之心後遇寇於得勝港口後援不繼力戰死之兵部移檄給

祭復其家署縣事薛清旌其門曰忠義時有小校伍維統同

新會縣志

卷八

人物上

四十六

往以功得授廣海衛百戶

王志

潘大壯字健行邑城花園巷人領嘉靖三十四年鄉薦隆慶

二年授臨江別駕值郡饑攝清江卽捐金實社倉日坐郵亭

粥餓者請廣郡科取士額復攝新淦汰省一切供張及革運

米歇戶磴戶船戶諸弊攝新喻不煩政令惟課諸生式異行

而已太史西清張春貺以詩云談文四座滿無訟一庭空聞

郡帑失金輒還曰督吾職也奈何獨咎府主有旨聽調郡人

攀轅不得行庚午補大理別駕抵郡賑困乏明功罪絕饋遺

民大悅設策捕茅翳中盜有礦官恃臺中人奧援轄貸礦民

錢橫索息恟恟將激變大壯盡法繩之民始安署曲靖關西

嶺隘建迷渡市橋竟爲一臺中人所中罷官少府嚴淮貺以

詩曰未將鼎力支天地直有丹心泣鬼神歸事雙親盡歡推

故田廬予諸弟子之佳萬曆二十二年舉人歷任南平監利
二縣公明善斷公餘於課士外無餘事翁正春賦以詩曰四
野桑麻無犬吠一庭煙雨狎鷗眠人謂父子俱以詩爲實錄

云同
上

劉杰字宇望號右溪五顯沖人由嘉靖三十四年舉人就署
永春教諭方七越月卽以賢聲擢江西新城知縣祛邪巫崇
正學刑清政簡大旱露禱雨隨霑足士大夫建喜雨亭詠歌
之覲還民歡迎如見父母以挺直不阿爲勢要所中遂投檄
歸閉門掃軌纂錄古今詞翰性好客客至畱飲必盡歡凡賑
荒築城倍其資首倡之非公事不見邑宰屢正賓筵壽八十
三王其子魯性至孝杰嘗病魯朝夕泣禱願以身代夜夢神
增父壽兩紀善處宗黨友朋濟急不以爲德肄業成均未幾

新會縣志

卷八

人物上

四十七

卒

賈志

李積字惟成河塘人家故貧力學自致初爲南海諸生督學
張希舉察諸生無如積者命子受業凡三年慎出入言未嘗
及私張甚器之嘉靖三十七年領鄉薦愈益恭慎里有富子
毀橋石又有顯子欲逞志於富子因請張其詞積曰第令修
復已耳何至囂囂非厚道也顯子慚而止四十四年選陳州
學正署項城訟民持數百金求直輒斥麾之不問其名而斷
決一揆於理隆慶元年晉知涉縣縣當孔道供張日繁民貧
土瘠積一意撙節尊貴人過之弗悅亦弗恤以母喪歸無資
侍御鍾繼英助之乃得歸痛母骨立服闋卒

王志

李以龍字伯潛務前人性至孝領嘉靖三十七年鄉薦眷戀
慈闈絕跡公車與弟以麟潛心理學嘗讀陳白沙詩文豁然

有省因博求理學家言得薛敬軒讀書錄遂合諸賢語錄編
曰省心錄以時觀察其學以居敬主靜爲本年九十一卒著
寒窓感寓集又有進學書師說行世崇祀鄉賢弟以麟字應
叔號滄澣爲邑諸生慕白沙之學署其軒曰敬存手編宋儒
格言研講不輟尤工書善畫爲世所重

岡州遺稿

許培之字曼植邑城容穀巷人性温厚領嘉靖四十年鄉薦
授福建永安知縣會兵戎饑饉邑地分割於大田寧洋戶籍
空虛富豪占射培之摧梗招亡嚴清審察市井安集田里謳
歌晉興化通判建倉便輸署莆田築裏海堤成護田數百頃
後祀名宦再晉廣西養利州政聲益著以親老辭歸子鉉時

萬曆二十三年舉人

王志

勞守謙字光仲古勞人

今屬鶴山

父文益嘗還人遺金生守謙守

新會縣志

卷八

人物上

四十八

謨謙少穎異甫弱冠登嘉靖四十年鄉薦任桂陽學正以身
率士惠貧者以俸萬曆元年聘雲南同考御史舒念亭察其
行履附疏薦擢知廣西藤縣丁內艱起補馬平縣勤政恤民
中武弁讒歸族人售盜嘗田獨力贖還遇橫逆每引咎不校
應雲南考官時得欽賞金貯之糴穀以防里中饑立家塾令
子大臨訓里中兒不入束脩里人咸德之弟守謨亦以學行

名

同上

陳吾德字懋修外海人

王志

嘉靖四十四年進士授行人隆慶

二年擢工科給事中兩廣多盜將吏率虛文罔上吾德列便
宜八事皆允行明年正月朔日食已而月復食吾德言歲首
日月並食天之大災陛下宜屏斥一切玩好應天以實詔遣
中官督織造吾德偕同官嚴用和切諫報罷帝從中官崔敏

言命市珍寶戶部尚書劉體乾戶科都給事中李已執奏不從吾德復偕已上疏曰伏睹登極詔書罷採辦蠲加派且云各監局以缺乏爲名移文苛取及司阿附奉行者言官卽時論奏治以重典海內聞之歡若生比者左右近習干請紛紜買玉市珠傳帖數下人情惶駭咸謂詔書不信無所適從邇時府庫久虛民生困悴司度支者日夕憂危陛下奈何以玩好故費數十萬貲乎敏等獻諂營私罪不可宥乞亟譴斥以全詔書大信帝震怒杖已百錮刑部獄斥吾德爲民神宗嗣位起吾德兵科萬曆元年進右給事中張居正柄國諫官言事必先請吾德獨不往禮部主事宋儒與兵部主事熊敦樸不相能誣敦樸欲劾居正屬尚書譚綸劾罷之旣而誣漸白吾德遂劾儒亦謫之外居正以吾德不白已嗾之未幾

新會縣志

卷八

人物上

四十九

爭成國公朱希忠贈定襄王爵益忤居正及慈寧宮後室災吾德力爭出爲饒州知府有盜建昌王印章者遁之南京見獲居正客操江都御史王篆坐吾德部下失盜謫馬邑典史御史又劾其泣饒時違制講學用庫金市學田遂除名爲民居正死薦起思州推官移寶慶同知皆以親老不赴明史本傳親歿起補紹興同知後終湖廣僉事平巨寇劉汝國等上功賞錕帛無何卒於官祀鄉賢王

施應岳字粵賓用子由拔貢授廣西潯州訓導卻贄規捐俸給諫遷古田教諭委攝縣事岳曰予幸得爲人師刺經考藝退而晏坐長吟粗糲一甌濁酒一盃吾侈矣鞅掌簿書鞭撻黎庶非予志也辭不就遷唐府教授按明史選舉志王府教授是爲異途蓋援例監岳生選缺然則應薪水至不給王憐之付之券令收民間子母

岳殆左遷也

錢數十萬岳嘆曰馮驩何人尚爲公子市義岳以儒臣職藩
教奈何以券使也王分不應行子母錢臣義不應操市井權
悉歸其券後以艱免王不忍舍服闋三徵之岳以母病固辭
壽九十五

王
志

容瀚字約夫河塘人七歲喪母旦暮泣血八歲卽能順事繼
母兄常恃才使酒瀚結書屋避之綠護山中後補諸生卽負
笈從湛若水遊歸復從縣尹何廷仁講學推田讓姪捐田養
嫂親喪及修祖墓皆獨力任之復送已地擴公宇不受縣值
縣令林騰蛟知其賢欲以耳目寄之瀚謝曰久已杜門莫知
外事安敢以風聞誤賢明遂不復見屢舉賓筵不赴壽八十

卒

同上

新會縣志

卷八

人物上

五十

新會縣志卷八終

譚錫朋 同校
何朝昌